

ПРЕЗИДЕНТ ОРОЛБЎЙИ МИНТАҚАСИДА

Президент Шавкат Мирзиёев ҳудудлар ривож ва аҳоли ҳаёти билан танишиш мақсадида Қорақалпоғистон Республикасида бўлиб турибди. Биринчи рақамли борт илк бор Мўйноққа қўнди. Ташриф уч кун давом этиши режалаштирилган.



– Ҳозир аэропортга киришда топшириқ бердим, энди ҳафтада икки марта Тошкент – Мўйноқ – Нукус йўналишида парвозлар бўлади. Бу аэропорт расмга тушиш учун эмас, инсонларга хизмат қиладиган бўлиши керак, – деди Президент.

Маълумот учун: Мўйноқ – Ўзбекистоннинг шимоли-ғарбида жойлашган шаҳар номидаги аэропорт бўлиб, 1947 йили қурилган. 3-классга оид Мўйноқ аэродроми Ан-24, Як-40 ва бошқа энгил самолётларни, шунингдек, барча турдаги вертолётларни қабул қилишга қодир бўлган. 1960-йиллар бошидан 1990 йилга қадар аэродромда Ан-2 самолётлари кунига маҳаллий линиялар бўйича (асосан, Қўнғирот, Нукус, Урганч, Тахтакўприк, Қозоқдарё, Аспангай, Тулей пунктлари) 19 тагача йўловчи авиарейсини амалга оширган. 2020 йилнинг августда Мўйноқда янги аэропорт ишга тушган эди.

Давлат раҳбари Мўйноққа икки марта – 2018 ва 2019 йиллари ташриф буюрган. Ушундан берилган кўрсатмалар тез фурсатда рўёбга чиқди. Худудни ривожлантириш бўйича иккита ҳукумат қарори қабул қилиниб, манзилли дастурлар амалга оширилди. Автомобиль йўллари таъмирланди. Мўйноқ аэропорти янгиланиб, ишга туширилди. 50 йўловчига мўлжалланган янги терминал қурилиб, учиб-қўниш йўлаги ва майдончалар таъмирланиб, мажмуа атрофи кўкаламзорлаштирилди.

Давлат раҳбари ташрифнинг биринчи кунини мўйноқлик ёшулчилар, маҳалла раислари, ҳоким ёрдамчилари ва ёшлар билан учрашди.

– Охириги беш йилда кўп нарсани ўргандик, илгари ишонилмаган нарсаларга ишондик. Мен

биринчи келганимда “Маданият Мўйноқдан бошланади” дегандим. Шундай бўлган. Мана шу аэропорт ҳам бир мисол. Энди Тошкент – Мўйноқ – Нукус авиакатнови йўлга қўйилади, – деди Шавкат Мирзиёев.

Президент Мўйноқдаги долзарб масалалар, келгуси ишлар бўйича аҳоли фикрини сўради. Жамоатчилик вакиллари ҳудуддаги муҳим масалалар бўйича ўз тақлидларини билдирди. Давлат раҳбари уларни қўллаб-қувватлаб, мутасаддиларга топшириқлар берди. Қишлоқ ҳўжалиги тармоқлари билан бирга хизмат турларини кенгайтириш, хусусан, кўнгилочар ўйинлар учун солиқ имтиёзлари бериш зарурлигини таъкидлади. Бу ички туризм ривожига, иш ўринлари очилишига хизмат қилади.

Давлат раҳбари “Қорақалпоғистонга пул билан келганини” айтди. Оролбўйи ҳудудини биргалликда ривожлантириш мақсадида Қорақалпоғистон туманлари биттадан вилоятга бириктирилган. Тошкент шаҳри ва вилоят ҳокимлари ўзларига бириктирилган ҳудудлар бўйича тақдимотлар ўтказди.

– Оролбўйида аҳвол ёмон деб кўпчилик гапирди. Лекин ҳамма ҳам бу ерга келиб кўрмаган. Оролнинг ҳавосидан нафас олиши, шароитни кўриб, адолатли баҳо бериши учун бу ерга бутун республикадан раҳбарларни юбордим. Қорақалпоғистон ривожига катта маблағ йўналтирамиз, – деди Президент.

Мўйноқ туманига Тошкент вилояти бириктирилган. Учрашувда ушбу вилоят тадбиркорлари томонидан Мўйноқ туманида амалга оширилаётган ишлар ҳақида аҳоли вакиллари олдида тақдимот

ўтказилди. Қайд этилганидек, бу ерда истироҳат боғи қурилади, қўшимча қувур тортиб келинади. Кексалар санаторий, болалар оромгоҳларга юборилади. Давлатимиз раҳбари аҳоли саломатлиги масаласига алоҳида эътибор қаратиб, бу ерга келиб ишлайдиган шифокорларга ойлик устамалар бериш, уй билан таъминлаш муҳимлигини таъкидлади.

Шунингдек Президент Шавкат Мирзиёев Орол денгизининг қуриган жойига бориб, вазиятни кўрди. 2018 йили Мўйноққа ташриф чоғида олимлар билан маслаҳатлашиб, шўрга чидамли ўсимликлар экиш вазифаси белгиланган эди. Утган йилларда денгизнинг сув қуриган қисмида 1 миллион 524 минг гектар тўқайзор барпо этилди. Бу йил “яшил қоплама”ни яна 100 минг гектарга кенгайтириш режалаштирилган.

– Биз шу мураккаб шароитда экиш бўйича катта тажриба орттирдик. Бу ерга ўзим келишимдан мақсад – энди бу ишларни илмий асосланган тарзда давом эттирамиз, – деди Президент экологлар ва ўрмон ҳўжалиги мутахассислари билан суҳбатда.

Илмий изланишлар қилиб, ҳудуд тупроғига мос навлар яратиш, кейинги босқичда чорвачиликни ривожлантириш бўйича кўрсатмалар берилди. Оролбўйининг флора ва фаунасини яхшилаш бўйича 5 йиллик миллий дастур ишлаб чиқиш вазифаси қўйилди.

Президентнинг Қорақалпоғистонга ташрифи давом этмоқда.

МУХБИРИМИЗ

ОРОЛБЎЙИДА НИМА ГАПЛАР?

Олий Мажлис Қонунчилик палатаси Спикери ўринбосари, Ўзбекистон фермер, деҳқон ҳўжалиқлари ва томорқа ер эгалари кенгаши раиси, О'zLiDeP фракцияси раҳбари Ақтам Хаитов шу кунларда Қорақалпоғистон Республикасида хизмат сафарида. Хизмат сафари доирасида қатор ҳудудларда бўлиб, аграр соҳада амалга оширилаётган ишлар билан танишмоқда.

СПИКЕР ЎРИНБОСАРИ КЛАСТЕРЛАР ФАОЛИЯТИ БИЛАН ТАНИШДИ



Амударё туманидаги “Расулов Эркин асалчи” фермер ҳўжалиги 2007 йили ташкил этилган бўлиб, асосан пахтачилик, ғаллачилик ва асалари-чиликка ихтисослаштирилган эди.

– Фермер ҳўжалигимизни 2019 йили асалари-чилик агро кластерига айлантириш учун “Агробанк”дан 1 миллиард 200 миллион сўм имтиёзли маблағ олгандим. Кредит ҳисобидан Хитойдан қадқоқлаш ускуналари олиб келдик. Жуда қисқа муддат ичида ишларимиз юришиб кетди ва ҳозир қарздан бутунлай қутулдик, – дейди Эркин Расулов партия лидери билан мулоқотда. – Мақтанишга ҳали эрта, лекин 20 га яқин киши доимий иш билан таъминланганининг ўзи қанча рўзгорга барака олиб кирди. Айни пайтда 1 минг 800 та асалари оиласи боқилляпти. Утган йили 9 тоннага яқин асал етштирилган бўлса, деярли ҳаммаси ички бозорда сотилди. Ҳўжалигимизга қарашли 83 гектар ер пахтачиликка, 23 гектари эса ғаллачиликка ихтисослаштирилган.

Эркин Расулов паррандачилик ва чорвачилик билан ҳам шуғулланади. Бир кунлик жўжа 30-35 кунда етилиб, икки кило гўшт берадиган бўлади. 65 минг бош парранда гўшти ҳозирги кунда ички бозорда ўз харидорига эга. Қўшимча равишда 80 бош қорамол ҳам боқилляпти.

Парламент куйи палатаси Спикери ўринбосари Ақтам Хаитов ушбу кластер фаолияти бошқаларга намуна бўлишини алоҳида таъкидлаб, қўшимча тармоқларни ҳам янада ривожлантириш, куркачилик ва чорвачиликни кенгайтириш бўйича тақлиф ва тавсияларини берди.

ган ҳоким ёрдамчиси Ҳамза Ҳайтимбетовнинг шу ҳудудда фермер ва деҳқон ҳўжалиқлари фаолиятини ривожлантириш бўйича бажараётган амалий ишлари билан ҳам қизиқди. Негаки, давлат раҳбари ташаббуси билан ҳар бир маҳалладаги ҳоким ёрдамчилари аҳолига давлат томонидан яратилган молиявий имкониятларни етказиши, тадбиркорликка ва деҳқончиликка ўргатиш орқали уларни камбағалликдан чиқариши лозимлиги юришиб ўтилган. Энг асосий вазифалардан бири ҳар бир маҳаллада, аввало, тадбиркорликни ривожлантириш, янги иш ўринлари яратиш ва шундай истиқболли йўллар орқали камбағалликни қисқартириш ва оилалар даромадини кўпайтиришдан иборат экани алоҳида белгилаб қўйилган.

Спикер ўринбосарига Ҳамза Ҳайтимбетовнинг мулоқот жараёнида ушбу маҳалла ҳудудини ривожлантириш борасидаги тақлиф ва фикрлари маъқул бўлди. Ҳозир бу ОФЙдачи 801 та хонадонда 4 мингдан зиёд аҳоли яшаб келмоқда.

Туман ҳокимлигида эндигина тайинланган ҳоким ёрдамчилари билан ҳам мулоқот уюштирилди. Турли ҳудудларда яшаётган шароити мушкулроқ оилаларга тадбиркорликни бошлаши учун имтиёзли кредит, субсидия ёки деҳқон ҳўжалиги учун уларга ер майдонлари ажратиш масалаларида тегишли тартибда ёрдам кўрсатилиши бўйича маълумот берилди. Учрашувда ҳоким ёрдамчиларининг бир гуруҳи О'zLiDeP аъзолигига қабул қилинди ва уларга гувоҳнома-лар топширилди.

О'zLiDeP Қорақалпоғистон Республикаси кенгаши матбуот хизмати

АРЗОН, ҚУЛАЙ ВА ТЕЗКОР!

Энди почтани кутиб ўтиришга ҳожат йўқ. Нашримизнинг электрон версиясига обуна бўлинг.

Бунинг учун телефонингизга “Play Market” ёки “App Store”дан “XXI asr” иловасини юклаб олиб, пул ўтказсангиз кифоя.

Газетанинг электрон обуна нархлари:
12 ойлик – 96 минг сўм;
6 ойлик – 48 минг сўм.



БУГУНГИ СОНДА:



**ЗИНГ-ЗИНГ!
“ЭЙ, СЕНДА-ЧИ?
ИНСОФ
БОРМИ?!”**



**ГИНГГО –
КУМУШ ЎРИК**
юртимизда бу доривор ва манзарали дарахтни кўпайтириш ҳамда фармацевтика саноати учун плантацияларни барпо этиш керак



**ХУРШИД
ДАВРОН –
ДАВР АДИБИ**

